

<County: Durham>

<Code: L1004>

<MS reference: Northallerton, North Yorkshire County Record Office, ZQH 2/14/103>

<Text: Bond>

Thys endenture made betwene Thomas Talboyse & jonet hys wyff on to party
 and Robert lambtonn and Alase hys wyff on ye Thothyr party beres wyttnes
 yat ye sayde Thomas & jonet Robert & Alase ar accordyd yn ye fourme yat schowys<writing
 smudgy here>

yat ys to say y^t ye sayde Robert sall depart ye maner of Staynton@ yn ye stret wyd
 ye Appurtenaunc³ be wrytyng~ And ye sayde wrytyng~ deliure or gar delyuer
 vnto ye sayde Thomas . And yan ye same Thomas & jonet hys wyfe sall scheys
 qwedyr party of ye sayde Maner so departyd be wrytyng~ y^t yay wyll haue & .^[a] gree
 yayme to for yayme & for here³ of ye sayde jonet ye qwylkes Agreement &
 de-partyson@ sall be made & wrytyn be dede endentyd betwene ye sayde Thomas &
 jonet hys wyfe & Robert & Alase hys wyf to ye party of ye qwylk wrytynges endentyd
 remaynyng~ vnto ye sayd Robert & Alase hys wyff ye sayde Thomas & jonet hys
 sall set to yayr seale³ & vn-to ye tothyr party of ye same endenture ye forsayde
 Robert & Alase sall set to yayr sele³ And yat yis counaunt³ sall be trwly
 haldyn & Fulfyllyd Afftyr ye effect~ & ye force of yis present endenturs before
 ye lady day ye+Assumpcyoun next Folwyng~ ye dat of yis endenturs ye forsayd
 Thomas Taylboys byndys hyme & hys+heir³ & hys+executurs vnto forsayd
 Robert lambton@ hys & hys executurs yn xl pound to be payd on ye Thwrsday nex
 folowyng~ ye day y^t ye+sayd Thomas sall happ to brek ony of ye counaunt³ beforsayde
 on hys party to be Fullfyllyd And ye forsayd Robert byndys hyme hys heir³ &
 Thys executurs yn lyke fourme vnto ye sayd Thomas yf he brek ony counan^{nt}³ on hys
 to be Fulfyllyd Jn wytnesyng~ of ye qwylke Thyng to yis+endenturs ye partye³
 beforsayd entrechangeablement has set to there seales writine ye xiiij daye of Juliy ye
 3ere of kyng henri sexte ye . xj .